

Aach in Flerschem werrds immer doller

Om Rosemoondaach hawwe sich unser Mädcher so geeche drei beim Kättche zum Kreppelkaffee getroffe, aach weil de Schorsch on dem Daach oom von soiner Enkelcher geholfe hott, irchend so e Regal zesommezeschrauwe unn onn die Wond von dem soine Stubb ze hänge.

Um sechs bin ich dann Richtung Kättche gonge, um die Fraa abzeholle. Ich habb unne om Door geklingelt unn wollt garnit ins Haus enoi, doo gieht e Fenster uff, dess Kättche guckt eraus, dreht sich gleich widder um unn kreischt in ihr Wohnstubb: Doo drauße stieht ooner, wolle merrn eroilosse? Unn doo hawwe die onnern von drinne Antwort gewwe unn aach gekrische: Eroi mettem!

Also musst ich ins Haus, unn als ich in die Wohnstubb binn, hotts e mords Gekrisch gewwe unn die drei Weiwer sinn uff mich druff gesterrzt unn hawwe merr ihr rote Lippe uff die Backe gedrickt.

So, Honnes, sachts Kättche, jetzt siehde aach e bissi fassenachtsmäßich aus. Unn jetz setzde dich doohie unn isst enn Kreppel. Ich habb koon Kaffee nimmi unn ich koch aach kooner mehr. Drink e Glas Woi dezu.

Also habb ich zum Kreppel e Glas Woi getrunke unn dess hott gar nit so schlecht geschmeckt. Unn deshalb habb ich gefroocht: Kättche, kann ich noch enn Kreppel hawwe?

Wasse Frooch, hotts Kättche gesacht, hier hosde noch ooner, enn Gefillde. Unn dann trinksde mol aus, uff oom Boo stieht merr nit gut.

Also her demett, habb ich gesacht, ich bin gelaafe, doo kann ich aach noch ooner drinke. Sacht emol ihr drei, was habbder dann de gonze Middaach gemacht?

Sacht moi Fraa: Ei mir hawwe de Meenzer Zuch geguckt unn ab unn zu umgedrickt uff irchendso e Fassenachtssitzung, doo war schwer was los. Die hadde so scheene Lieder, doo hawwe merr mettgesunge unn mettgeschunkelt.

Ja, moont die Paula, bei sooner Fernsehsitzung misse immer e paar Leit zesommesoi. Weil merr kimmt wirklich erst in Stimmung, wenn merr singe unn aach schunkele dut. Wenn de Karl unn ich vor dem Kasde sitze unn gucke, no ja, dann lache merr aach emol, mehr awwer nit. De Karl singt halt nit vorm Fernseher unn schunkele duder aach nit, weilers doch alls im Kreiz hott.

Hotts gude Voträch gewwe, habb ich gefroocht, odder haddeses nor von de Bolidik?

Gut wars, sachts Kättche, unn uiuiuiui – wenn heitzedaach die Weiwer in die Bitt gehe, moi lieb Fraa, doo konnsde rote Ohrn krieh. Josses naa, frieher hädd unsern ahle Parre uns desdeweche dess Fernsehgucke verbotte, awwer heit? Ei monchmol guckt merr unner sich bei dene Ausdruck, die die heit hawwe. Isses nit so?

Moi Fraa hott genickt unn die Paula hott gesacht: No ja, dess iss halt so. Zu unserne Zeit wars wirklich onnerst, weil grad in Flerschem hott merr immer gesacht, die Fassenacht muss sauwer bleiwe – unn so isse aach bis heit gebliwwe, odder?

Naa, sachts Kättche, isse nit. Aach in Flerschem werrds immer doller, doo gehts jetz aach weit unner de Hüftgertel.

Frächt die Paula: So? – wodroo hosden dess gemerkt, Kättche?

Doo grinst dess Kättche iwver alle Backe: Ei weilse doch jetz in Flerschem nooch emm Fassenachtszuch e After-Party feiern ...

Eiern Honnes